

Miljö - Einfach su (feat. Cat Ballou)

Musik + Text: Nils Schreiber
© 2022 Edition Miljö / ROBA

Spätsommersunn
Wat so'mer dun?
Lo'mer 'rusjonn
Loss dä Stuss stonn
Aff noh'm Fluss jonn

Mer maache us dä Domplaat
en riesengroßes Freibad
un fahre met däm Dreirad
Richtung Südstadt
durch de Heimat

Mer singe ohne
Talent un Mikrofone
vun Balkone
för Millione
"Oben ohne"

Einfach su

Leeven Schotzmann,
luur mich nit esu verdutz an
Ich weiß, ich han kein Butz aan
Dat es spontan,
weil ich Loss han

Mer trecke öm die Hüsjer
un verdeile Strüsjer
Un dann am Brüssler
jitt et Bützjer
för die Schüss do

Stagedive em Standesamp

Mettijel op de Hand

Em Jummiboot üvver dä Rhing - Worüm dann nit?

Loss mer levve ohne

all die Konventionen

Kumm, mer rieße Muure en

Mir striche för en Stund lang

graue Wäng bunt aan

Mer bruche keine Jrund han

Mer dun einfach,

wat mer dun kann

Un wenn der Dag vorbei es

starte mer die Playlist

Un doh kütt dä Schotzmann

ohne Botz aan

un zeig uns, wie hä danze kann

Arschbomb vum Beckerand

Bläck Fööss em Ufersand

em Jummiboot üvver dä Rhing - Woröm dann nit?

Loss mer levve ohne

all die Konventionen

Kumm, mer rieße Muure en